



Only Peace Will Do Die Höchstdada Friednserglärung

Die Höchstdada Friednserglärung wurde bei da 1000 Jahrfeier vo unserer Schdad aus Beidrech vo Kinda und Jugendliche aufgschdelld. Nach unsara Iberzeugung kamma griegerische Auseinandasedzunge verhindern, wemma die Bungde vo dera Erglärung beachdn dudd.

§1 Menschnwürde und Menschnrechde.

Alle Menschn hamm an Anschbruch af die gleichn Rechde. Mir reschbegdiern und achdn Menschn andrer Herkumpfd und andern Glaubns. Mir verschboddn niemandn, lachn net iber andre und schließn niemandn aus.

§2 Grundvesorgung vo alle Menschn.

Mir sedzn uns nach Gräffdn dafir ei, dass alle Menschn gnuch Wasser, Essn, a Wohnung und gsundheitliche Versorgung hamm. Mir sedzn uns fir a gerechde Verteilung vo Ärbed und fairem Lohn ei.

§3 Bildung und Kulldua

Mir helfn, dass alle Kinda af der Weld nei die Schull geh könna. Alle Schulln missn zu Dolleranz und Menschlichkeit erziehgn. Mir underschidzn kullduelle Ereignisse, die wo zum Nachdengn oreegn und den Wunsch nach Friedn födern. Mir vrabscheun Verandsaldunga die wo den Griech verherrlichn.

§4 Machd und Gwald

Alle gesellschaftlichn Grubbn kenna sich demogradisch an bollidischn Endschidungn bedeilichn. Die Machd vo denna Bollidiga derf nablous aus Liebe zu die Menschn ausgübd wern. Mir sin gegn Folda, Dodesschdraf und Massvernichtungswaffn. Alle Waffn af dera Weld missn der bollidischn Kondroll undalieggn und sen af Dauer durch bollidische Vereinbarungn zum ersedzn.

§5 Freundschaft und Hilfe

Mir helfn die Menschn in arma Lända, Schwachn und Menschn mid Behindrunga. Mir denna net schweign wenn mir a Unrechd mergn. Mir undaschdidzn Schdädde-, Ländabadnerschaftn und Schülerausdusch damit ma freundschaftliche Beziehungn aufbaun, pflegn und des Verschdändnis zwischn alle Kulldurn födern.

§6 Glaabn und Versöhnung

Mir beedn damid ma Graffd zur Versöhnung findn. Godd is net verandwodlich fürn Griech. Alle Menschn missn eignverandwodlich fürn Friedn handln.

§7 Besönliche Beidrech

Mir nehma unsa Gegnüba als gleichwerdign Badner an. Mir brobirn, Fehler und Schdreid glei widda gud zu machn. Mir finna die Graffd uns zum entschuldign Af a beeses Wod andwodn mir net bees sondan versöhnlich.